



Terenga 6: Hōtaka 36 - Ngā pūriro herekore

He Mihi

Kua whakatatahia mai koutou, kei rangitawhiti nā e noho ana, anō kei te mura tonu o te ahi koutou. Ka rawe tēnā, inā rā, he ora te whakapiri.

Hei Mahi Whakarongo

Ko Wharehuia te kaikōrero i runga i te hōtaka o Whakataukī, hei mahi whakarongo mā tātou. Kāore e kore he iti te kupu, he nui te kōrero. Anei ngā pātai hei whakautu mā koutou:

- 1) He aha te whakahau kei roto?
- 2) E hāngai ana te kōrero ki tēhea horopaki?
- 3) He aha te mahi a te kōrero nei?

Kia whakarongo ki ngā kupu whakamahuki a te puna o te kī, a Wharehuia Milroy.

He Whakamārama

Mena e kōrero ana koe mō te tangata kotahi me ana rirohanga, e wātea ana ngā pūriro herekore hei whakamahinga māu. Kāore he here o ēnei pū ki te 'A', ki te 'O' rānei.

A	herekore	O	A	herekore	O
tāku	taku	tōku	āku	aku	ōku
tāu	tō	tōu	āu	ō	ōu
tāna	tana	tōna	āna	ana	ōna

He Mahi Ī-papa



Tēnā whakaurua ngā kupu e rua kei runga i te ĩpapa ki te rerenga kōrero kotahi.

Hei Mahi

Tangohia te pūriro herekore, ka whakauru ai i te pūriro 'A', i te pūriro 'O' rānei e tika ana.

1. Kātahi anō ka horoia e taku tāne tana tarau tāngari.
2. He mea tito ērā o aku waiata i te tau rua mano mā rima.
3. I mārena māua ko taku tāne i tērā tau.
4. He aha ō pātai?
5. Kei whea rā taku rongoā?

Whakautu:

Mahi ĩpapa: I haere tōku pāpā ki te tūtaki ki ana hoa..

Hei Mahi:

1. tāku / tōna
2. āku
3. tāku
4. āu
5. tōku